



NAZARENE KOHRAN

THURIN THLANCHHUAH TE

I. Pathian pakhata Minung Pathum

Tâwp chin nei lo leh chatuan Pathian pakhata chu kan ring. Amah chu khawvel siamtu leh roreltu a ni. Thil engkim a enkawl a. Amah chu thianghlimnaa khat Pathian a ni. Amah chu êna thianghlim leh hmangaihna thianghlim a ni a. Pathian pakhata minung pathumin, Pa, Fapa leh Thlarau Thianghlim angin kan hnenah a inpuang a.

Genesis 1; Leviticus 19:2; Deuteronomy 6:4-5; Isaia 5:16; 6:1-7; 40:18-31; Matthaia 3:16-17; 28:19-20; Johana 14:6-27; 1 Korin 8:6; 2 Korin 13:14; Galatia 4:4-6; Ephesi 2:13-18; 1 Johana 1:5; 4:8

II. Isua Krista

Isua Krista, Pathian pakhata minung pathum zinga a pahnihna, Pa nena englai pawha pumkhat chu kan ring. Amah chu mihringa lo changin, nula thianghlim Marin a hring a. Isua chu mihring, Pathiana lo chang ni lovin, Pathian mihring anga lo lang pawh a ni hek lo. Amah chu Pathianna leh mihrinna nei, mize pahnih pakhata inkawp, Pathian-mihring a ni.

Isua Krista chu kan sualte avangin a thi a, mitthi zing ata mihring tisa famkim puin a tho leh tih kan ring. Vanah a han chhova chutah chuan kan tan tunah min dilsak reng a ni.

Matthai 1:20-25; 16:15-16; Luka 1:26-35; Johana 1:1-18; Tih 2:22-36; Rom 8:3, 32-34; Galatia 4:4-5; Philippi 2:5-11; Kolossa 1:12-22; 1 Timothea 6:14-16; Hebrai 1:1-5; 7:22-28; 9:24-28; 1 Johana 1:1-3; 4:2-3, 15

III. Thlarau Thianghlim

Thlarau thianghlim chu, Pathian pakhata minung pathum zinga a pathumna, Krista kohhrana hnathawk zeltu a ni tih kan ring. Khawvel soal a hriattir a, soal sima amah ringtute hnenah nun thar a pe. Amah chuan ringtute a tithianghlim a, Isuaa awm thutak zawng zawngah a hruai lut a.

Johana 7:39; 14:15-18, 26; 16:7-15; Tirh 2:33; 15:8-9; Rom 8:1-27; Galatia 3:1-14; 4:6; Ephesi 3:14-21; 1 Thessalonika 4:7-8; 2 Thessalonika 2:13; 1 Petera 1:2; 1 Johana 3:24; 4:13

IV. Pathian Lehkhabu Thianghlim

Baibul pumpui hi Pathian thawkkhum a ni tih kan ring. Thuthlung Hlui leh Thara bu sawmruk leh parukah hian kan chhandamna atana hriat tur êul zawng zawngte a awm vek a ni tih kan ring. Kan thurin thlanchhuah zawng zawngte hi Baibula innghat vek a ni.

Luka 24:44-47; Johana 10:35; 1 Korin 15:3-4; 2 Timothea 3:15-17; 1 Petera 1:10-12; 2 Petera 1:20-21

V. Sualna

Min thlahtu bul, Evi leh Adama ten, Pathian thu an awih loh aêang khan khawvelah soal arawn lut a ni tih kan ring. An sualna chuan thihna a thlen a. Soal chihnih: soal bul leh mimal sualna (tihsual) a awm tih kan ring.

Min thlahtu bul, Evi leh Adama bawhchhiatna avangin, mi zawng zawng khawlohnaa dinin kan awm ta a ni tih kan ring. Pathianin min thlahtute, Evi leh Adama a siam laia an neih felna ata chu soal mizia chuan min êhen hrang a. Thlarau lama thiin sualah kan awn zel a ni. Thlarau Thianghlim baptisma changa a puma tihfaia a awm hma chuan soal mizia chu ringtu thinlungah a la awm zel a ni tih kan ring.

Sual bul chu mimal sualna nen a inang lo va. Chu chu chhungrila bet tlat, thil soal ti tura min nawrtu chu a ni. Pathian chhandamna hnathawh chu miin a hnawl emaw a ngaihthah emaw a nih chauh loh chuan soal bulah mawh a phur lo.

Mimal sualna chu Pathian dan hriatsa bawhchhiat luihna a ni a. Mi a thiltihte rilrua hrethiam pha chauhvin thil a tvisual thei. Sualna hi tihpalh thil emaw tlin lohna emaw leh fel hlelhna avanga lo awm a ni lo va, mihring kan nih anga kan tlukchhiatna rahchhuah a ni. Krista Thlarau nena inkalh ngaihdân leh chhanlêtnate hi thlarau sualna tiin koh a ni. Hmangaihna dan bawhchhiatna leh Isua Krista rin lohna hi mimal sualna (tihsual) êobul a ni.

Sual bul: Genesis 3; 6:5; Job 15:14; Sam 51:5; Jeremia 17:9-10; Marka 7:21-23; Rom 1:18-25; 5:12-14; 7:1-8:9; 1 Korin 3:1-4; Galatia 5:16-25; 1 Johana 1:7-8

Mimal sualna: Matthaia 22:36-40 (with 1 Johana 3:4); Johana 8:34-36; 16:8-9; Rom 3:23; 6:15-23; 8:18-24; 14:23; 1 Johana 1:9-2:4; 3:7-10

VI. Tlanna

Isua Krista chu kan sual man bat zawng zawng min tlâksak turin a tuar a, kross-ah thisen chhuakin a thi tih kan ring. Hei hi tlanna tia koh a ni a, chu chu kan chhandamna atana inngahna awmchhun a ni. Isua chu mi zawng zawng tân a thi a. Naupang te leh mahnia thutlûkna siam thei lote tân pawh chhandamna a buatsaih. Mi dang zawng zawng erawh chuan chhandam an nih theih nan an sual simin an ring tûr a ni.

Isaia 53:5-6, 11; Marka 10:45; Luka 24:46-48; Johana 1:29; 3:14-17; Tirth 4:10-12; Rom 3:21-26; 4:17-25; 5:6-21; 1 Korin 6:20; 2 Korin 5:14-21; Galatia 1:3-4; 3:13-14; Kolossa 1:19-23; 1 Timothea 2:3-6; Tita 2:11-14; Hebrai 2:9; 9:11-14; 13:12; 1 Petera 1:18- 21; 2:19-25; 1 Johana 2:1-2

VIII. Khawngaihna Hmahruai

Mi zawng zawng hi Pathian anpuia siam a ni tih kan ring. A awmzia pakhatatah chuan a chhia leh a êha thlan theihna mihringin a nei a. Hei hi rilru lam mawhphurhna a ni. Evi leh Adama sualna avangin, mi zawng zawng chu sual mizia neia piangin, Pathian lam hawi turin emaw mahni inchhandam turin thil êha engmah tihtheih an nei tawh lo. Amaherawhchu, Isua Krista zara Pathian khawngaihna chu mi zawng zawng hnenah athlâwna pêk a ni tih kan ring. He khawngaihna hian mitinte sualna ata felna thlanga hawikir turin, sual laka ngaihdamna leh silfaina atan Isua ring tûr leh Pathian lâwm zawng leh a pawmtlâka nung turin kawng a hawnsak a ni.

Chhandamna chang tawh leh tihthianghlim tawhte pawhin sualah kir lehin rinna a phatsan thei a ni tih kan ring. An sualte an sim loh chuan beisei tur awm lovin chatuanin an bo hlen ang.

Pathian anna leh mize lam mawhphurhna: Genesis 1:26-27; 2:16-17; Deuteronomy 28:1-2; 30:19; Joshua 24:15; Sam 8:3-5; Isaia 1:8-10; Jeremia 31:29-30; Ezekiela 18:1-4; Mika 6:8; Rom 1:19-20; 2:1-16; 14:7-12; Galatia 6:7-8

Nihphunga tlinlohna: Job 14:4; 15:14; Sam 14:1-4; 51:5; Johana 3:6a; Rom 3:10-12; 5:12-14, 20a; 7:14-25

Khawngaihna thlâwnpek leh rinna hnathawhte: Ezekiela 18:25-26; Johana 1:12-13; 3:6b; Tirth 5:31; Rom 5:6-8, 18; 6:15-16, 23; 10:6-8; 11:22; 1 Korin 2:9-14; 10:1-12; 2 Korin 5:18-19; Galatia 5:6; Ephesi 2:8-10; Philippi 2:12-13; Kolossa 1:21-23; 2 Timothea 4:10a; Tita 2:11-14; Hebrai 2:1-3; 3:12-15; 6:4-6; 10:26-31; Jacoba 2:18-22; 2 Petera 1:10-11; 2:20-22

VIII. Simna

Simna hi chhandamna atan phût a ni tih kan ring. Simna hi tih tak zeta rilrua awm sual thlakthlengna a ni. Chu chuan mahni inthiam lohna leh mahni duhthlanna ngeia sual lak ata hawikir lehna a keng. Kan thiltih leh tum te avanga misual kan nih avangin simna hi phût a ni. Mi tupawh sim duh leh Pathian zahngaihna dawng duhtu apiangte chu Thlarau Thianghlimin zahngai takin a êanpui a, tichuan ani chuan ngaihdamna leh thlarau nunna a chang ang.

2 Chronicles 7:14; Sam 32:5-6; 51:1-17; Isaia 55:6-7; Jeremia 3:12-14; Ezekiela 18:30-32; 33:14-16; Marka 1:14-15; Luka 3:1-14; 13:1-5; 18:9-14; Tirth 2:38; 3:19; 5:31; 17:30-31; 26:16-18; Rom 2:4; 2 Korin 7:8-11; 1 Thessolonika 1:9; 2 Petera 3:9

IX. Thiamchantirna, Siamtharlehna, leh Fa nihna

Thiamchantirna. Mi tupawh Isua Krista, Lal leh Chhandamtua pawm chu thiamchantir an ni tih kan ring. Chumi awmzia chu Pathianin an thiam lohnate phut lét awm lova ngaidamin an sualte avanga hremna ata a chhuah zalen a. Mi felah a pawm ta a ni.

Siamtharlehna. Mi tupawh sima Isua chu Lal leh chhandamtua pawm apiang chu Pathianin phut lét awm lovin a siam thar leh a ni tih kan ring. Ani chuan thlarau nun thar leh mize thar a pe a. Chu chu piantharna tia koh a ni. He nun thar hi rinna, hmangaihna, leh Pathian thuâwihna ze khat a ni.

Fa nihna. Pathianin phut lét awm lova thiam a chantir leh a siamthar ringtute chu Pathian chhungkuua fa nihna changtu a ni tih kan ring.

Heng thil pathum (thiamchantirna, siamtharlehna, leh fa nihna) te hi vawikhata lo thleng a ni a. Hengte hi simna leh Krista kan rinnaah a inngat a ni. Hei hi Pathianin a hlen a ni tih Thlarau Thianghlimin min hriatpui.

Luka 18:14; Johana 1:12-13; 3:3-8; 5:24; Tirh 13:39; Rom 1:17; 3:21-26, 28; 4:5-9, 17-25; 5:1, 16-19; 6:4; 7:6; 8:1, 15-17; 1 Korin 1:30; 6:11; 2 Korin 5:17-21; Galatia 2:16-21; 3:1-14, 26; 4:4-7; Ephesi 1:6-7; 2:1, 4-5; Philippi 3:3-9; Kolossa 2:13; Tita 3:4-7; 1 Peter 1:23; 1 Johana 1:9; 3:1-2, 9; 4:7; 5:1, 9-13, 18

X. Kristian Thianghlimna leh Tihthianghlimna Famkim

Tihthianghlimna hi Pathian hnathawh Isua anna kawnga ringtute thuam tharna a ni tih kan ring. He Pathian khawngaihna hi Thlarau Thianghlim chuan a hun zelah a tifamkim a. Chu chu siamtharlehna rualin a inêan a (thiamchantirna rualin a thleng ve nghal). Hei hi "tihthianghlimna hlimchhâwn" tia koh a ni. Tihthianghlimna famkim leh Thlarau Thianghlim hnathawh kal zel hmangin ringtute a tihfamkim ang zelin a thawk chhunzawm reng a. Ropuinaa kan luha Fapa anpuia thuam famkima kan awm hunah a tâwp.

Siamtharlehna hnuah pawh soal bul ata ringtute chhuah zalenna hna chu Pathianin a thawk chhunzawm zel a ni tih kan ring. Anni chu Pathian hnena inhlanna pumhlum leh thuâwihna nun thianghlimah a hruai luta chu chu hmangaihna famkim a ni. Hei hi tihthianghlimna famkim tia koh a ni.

Tihthianghlimna famkim chu Thlarau Thianghlim baptisma hmanga tihfamkim a ni a, chu chu Thlarau Thianghlima khahna tia koh a ni. Hei hian tawnhriat chi hnih a nei a: soal ata thinlung silfaina leh chuta la awm mêk te, Thlarau Thianghlim chênchilhna, chu chuan ringtu chu nun thara nunga Pathian rawngbawl turin a tichak a.

Tihthianghlimna famkim hi Isua thihna avanga chan theih a ni. Rinna avanga khawngaiha chan nghal theih a ni. Pathian hnena ringtu a inhlann pumhlumna chuan a hruai hruai hmasa a, chu chu inhlanna famkim tia koh a ni a. Thlarau Thianghlim chuan kan thlaraute chu silfai tawh a nih leh, kan thinlungtea tikhah anih thu a hriatpui.

He tawnhriat hi êawngkam hrang hrang sawifiahna chi dang deuh hmanga hriat a ni a, Kristian famkimna, Hmangaihna famkim, thinlung thianghlimna, Thlarau Thianghlim baptisma channa, Thlarau Thianghlima intihkhahna, malsawmna famkim leh Kristian thianghlimna te an ni.

Thinlung thianghlim leh mize puitling inkârah danglamna chiang tak a awm tih kan ring. Thinlung thianghlim chu thil thleng nghâl thei, tihthianghlimna famkim rah chhuah chu a ni. Mize puitling chu a hun zela thlarau êhanlennaah hma a sâwn a ni.

Apuma tihthianghlim tawh chuan Krista ang hnungzuitu nia khawngaihnaa êhang lian duh mi a ni tih kan ring. He êhanlenna hi amaha thleng a ni lo va, nimahsela thlarau dân tea fimkhur taka châwm a, Krista nungchang leh mizia anga hmasâwn zel tur a ni. Thlarau êhanlenna lama theihtawp chhuah lo mi chuan an hriatpuina tichhiain leh an nuna Pathian khawngaihna chu hlawhchhamtirin atâwpah an boral hial a ni.

Khawngaihna channa kaltlangin, ringtute chu êhenawm leh thinlung puma Pathian hmangaihna leh a khawngaihnaah chuan an êhang lian zel a ni. Heng khawngaihnaah hian inpawlhona te, Thlarau thununna dan te leh Kohhran sakramen a awm a.

Jeremia 31:31-34; Ezekiela 36:25-27; Malakia 3:2-3; Matthaia 3:11-12; Luka 3:16-17; Johana 7:37-39; 14:15-23; 17:6-20; Tirh 1:5; 2:1-4; 15:8-9; Rom 6:11-13, 19; 8:1-4, 8-14; 12:1-2; 2 Korin 6:14-7:1; Galatia 2:20; 5:16-25; Ephesi 3:14-21; 5:17-18, 25-27; Philippi 3:10-15; Kolossa 3:1-17; 1 Thessolonika 5:23-24; Hebrai 4:9-11; 10:10-17; 12:1-2; 13:12; 1 Johana 1:7, 9

“Kristian famkimna,” “Hmangaihna famkim”: Deuteronomy 30:6; Matthaia 5:43-48; 22:37-40; Rom 12:9-21; 13:8-10; 1 Korin 13; Philippi 3:10-15; Hebrai 6:1; 1 Johana 4:17-18

“Thinlung thianghlimna”: Matthaia 5:8; Tirh 15:8-9; 1 Petera 1:22; 1 Johana 3:3

“Thlarau Thianghlim baptisma”: Jeremia 31:31-34; Ezekiela 36:25-27; Malakia 3:2-3; Matthaia 3:11-12; Luka 3:16-17; Tirh 1:5; 2:1-4; 15:8-9

“Malsawmna famkim”: Rom 15:29

“Kristian thianghlimna”: Matthaia 5:1-7:29; Johana 15:1-11; Rom 12:1-15:3; 2 Korin7:1; Ephesi 4:17-5:20; Philippi 1:9-11; 3:12-15; Kolossa 2:20-3:17; 1 Thessolonika 3:13; 4:7-8; 5:23; 2 Timothea 2:19-22; Hebrai 10:19-25; 12:14; 13:20-21; 1 Peter 1:15-16; 2 Petera 1:1-11; 3:18; Juda 20-21

XI. Kohhran chu

Kohhran chu Isua Krista Lala pawmtu inpawlkhawmte an ni tih kan ring. Kristaa siam êhara awm Pathian thuthlung fate chu an ni. Thlarau Thianghlimin a thu hmanga a koh khawm Krista taksa chu a ni.

Pathianin kohhran chu kawng tam taka nun lantir tura kovin Pathian biakhona te, inpawlhona te, Pathian thuhiril te, sakramena chan hote, Isua hminga rawngbawlina te, Krista thuâwih te, nun thianghlim te leh intihchak tawnte chu a ni.

Kohhran hnapui ber chu Thlarau thiltihtheihna hmanga a tlan tawh te leh a rem tawh khawvela Krista hnathawh puan hi a ni. Kohhran chuan evangelism te, zirna te, khawngaih rawngbawl hna te, dikna humhalh te, leh Pathian lalram hna puangzara mite zirtira a siam hian a hna chu a hlen a ni.

Kohhran chu tualchhung inpawlhonaah leh khawvel huap mipui zingah pawh a awm ve ve a. Hnam hrang hranga Pathian biak dan hrang hrangah a nunphung chu a târlang a. Pathianin mi êhenkhatte chu rawngbawlina bikahte dahin chumi rawngbawl hnate chu phurchhuak turin a ko a ni tih kohhran chuan a pawm a. Kohhran chu kan Lalpa Isua lo kal lehna hlimawm tak nghak chung zelin Pathian rorelna hnuaiah a awm a ni.

Exodus 19:3; Jeremia 31:33; Matthaia 8:11; 10:7; 16:13-19, 24; 18:15-20; 28:19-20; Johana 17:14-26; 20:21-23; Tirh 1:7-8; 2:32-47; 6:1-2; 13:1; 14:23; Rom 2:28-29; 4:16; 10:9-15; 11:13-32; 12:1-8; 15:1-3; 1 Korin 3:5-9; 7:17; 11:1, 17-33; 12:3, 12-31; 14:26-40; 2 Korin 5:11-6:1; Galatia 5:6, 13-14; 6:1-5, 15; Ephesi 4:1-17; 5:25-27; Philippi 2:1-16; 1 Thessolonika 4:1-12; 1 Timothea 4:13; Hebrai 10:19-25; 1 Petera 1:1-2, 13; 2:4-12, 21; 4:1-2, 10-11; 1 Johana 4:17; Juda 24; Thupuan 5:9-10

XII. Baptisma

Kristian baptisma hi Isua Krista thupêk sakramen a ni tih kan ring. Miin Isua a rinna atanga Chhandamtua a puan chuan Isua Krista tlanna hlawkpuina changtu a ni tih a entir a. Thuâwihna leh felnaa Isua zui a duh a ni tih a lantir bawk a ni.

Baptisma chu thuthlung thar chhinchhiahna a ni a; churang chuan, naupangte chu an nu leh pa emaw enkawltuin emaw a ngena kristiante anga enkawl tura an intiam chuan baptisma chantir theih a ni.

Baptisma changtu chuan a thlawrin emaw a leihin emaw, hnim phumin emaw a chang thei a ni.

Matthaia 3:1-7; 28:16-20; Tirh 2:37-41; 8:35-39; 10:44-48; 16:29-34; 19:1- 6; Rom 6:3-4; Galatia 3:26-28; Kolossa 2:12; 1 Petera 3:18-22

XIII. Lalpa Zanriah

Lalpa zanriah hi Thuthlung Thar sakramen bulêhut Isua Krista min zirtir a ni tih kan ring. Kristaah chuan thlarau lam malsawmna zawng zawng thutiamna leh chhandamna, ringtuten nun an neihna tura a thihna hriatrengna a ni. Mi tupawh chumia inbuatsaih leh a hlutna hrethiamte tan a ni. He sakramen channa hian a lo kal leh hma loh zawng Lalpa thihna chu ringtuten an entir.

Exodus 12:1-14; Matthaia 26:26-29; Marka 14:22-25; Luka 22:17-20; Johana 6:28-58; 1 Korin 10:14-21; 11:23-32

XIV. Pathian Tihdamna

Baibul thua Pathian tihdamna hi kan ring. Kan mite chu dam lote an lo dam theihna tura rinna nena tawngtaisak turin kan fuih tak zet a ni. Damdawi lam thiamna hmanga Pathian tihdamna pawh kan ring.

2 Lalte 5:1-19; Sam 103:1-5; Matthaia 4:23-24; 9:18-35; Johana 4:46-54; Tirh 5:12-16; 9:32-42; 14:8-15; 1 Korin 12:4-11; 2 Korin 12:7-10; Jacoba 5:13-16

XV. Krista lo kal lehna

Lalpa Isua Krista hi leiah a rawn kal leh ang tih kan ring. Amah ringtu thi tawhte chu an tho leh ang a, an rualin Isuaa awm zawng zawngte nen boruakah Lalpa tawh turin lâk chhovin an awm ang. Tichuan, Lalpa nen kumkhuain an cheng tawh ang.

Matthaia 25:31-46; Johana 14:1-3; Tirh 1:9-11; Philippi 3:20-21; 1 Thessalonika 4:13-18; Tita 2:11-14; Hebrai 9:26-28; 2 Petera 3:3-15; Thupuan 1:7-8; 22:7-20

XVI. Thawhleahna, Rorelna, leh Chatuan hmun

Mitthi thawhleahna hi kan ring. A nihna dan taka sawi chuan, mi fel leh mi fel lote taksa chu nung tura kai thovin an thlarau nen an inzawm ang a-"thil êha titu chu nung turin an tho ang a, thil sual titu chu thiam loh chang turin an tho ang"

Mitin an damlaia an thiltih ang zela rorelsak turin Pathian hmaah inlanin rorelna lo la awm tur chu kan ring.

Isua ringa chhandam tawhte leh thuawih taka a hnung zuitute chu ropui taka chatuan nunna changtu an ni tih kan ring. Sual sim duh lo tute chu chatuanin hrem hmunah an tuar tawh ang.

Genesis 18:25; 1 Samuela 2:10; Sam 50:6; Isaia 26:19; Daniela 12:2-3; Matthaia 25:31-46; Marka 9:43-48; Luka 16:19-31; 20:27-38; Johana 3:16-18; 5:25-29; 11:21-27; Tirh 17:30-31; Rom 2:1-16; 14:7-12; 1 Korin 15:12-58; 2 Korin 5:10; 2 Thessalonika 1:5-10; Thupuan 20:11-15; 22:1-15